



欽定方輿路程考畧卷

第一

京師起至涿州涿鹿驛

以上經過地方已見山東省路程

涿州樓桑村五里至松林店二十五里至高北店二十

五里至定興縣宣化驛

定興縣屬直隸保定府秦為范陽縣漢屬涿郡唐廢

入易縣至金改為定興元屬易州明屬保定府 明

高叔嗣詩積水生空霧高城背落暉

蘭溝在縣東南四十里相傳故范陽有五溝以五色

方輿路程考畧

卷

一

名此藍溝也

鷄爪河在縣西南五十里閻臺之西龍華之南平地

湧出三五分流形如鷄爪

長安城在縣西北漢幽州刺史李宣尚范陽公主主

懷長安乃築此城像之中有棗樹花而不實皆向西


南謂之思鄉棗

黃金臺在縣西三十里北章村此地有二臺俗傳以

大臺為樂毅臺小臺為郭隗臺又考黃金臺凡三處

一在易州一在京師隗臺坊一在定興長安客話昭

王所築在定興今都城之臺乃後人所築





御製黃金臺懷古詩

昭王禮賢士築館黃金臺矯矯昌國君奮袂起塵埃下  
齊七十城聲振滄海隈汶篁植薊丘豈曰非雄才遺跡  
雖榛蕪千載猶低徊市駿固有術貴在先龍媒但得一  
士賢可以收羣材

唐李白詩燕昭延郭隗遂築黃金臺劇辛方趙至鄒  
衍復齊來元元郝經詩費盡黃金臺始成一朝拜隗  
人盡驚誰知平地幾層土中有全齊七十城貢師  
泰詩郭君自舉先羣豪樂生獨步超凡曹酬恩一雪  
霸國耻建功竝倚青雲高葛邏迺賢詩落日燕臺

方輿路程考畧

卷二

二

下高臺草樹秋千金何足惜一士固難求明林煥  
詩黃金盛事有高臺雲木蒼蒼紫翠堆鴉噪夕陽歸  
畫堞碑連暮靄翳蒼苔平河水落盧溝遠古峽人經  
鳥道回聖代祇今多稷契紛紛誰數樂生才賈島  
賈島寺即東林寺今名平堽寺賈島歸里居此元陳  
章過賈島寺詩故菴尚在青山裏是也

定興縣十里至北河

北河在縣南十里志名河陽渡俗名北河涼易沙三

北河合流於此爲南北通津獻昌固昔齊齊與不

北河三十里至固城鎮

固城鎮秦范陽之故城也訛作固鎮內有井元時日夜泛溢數爲民患因淘井得大士像建梵剎鎮之其泉立止至今雖溢不踰其限因名聖井當州陳史記固城鎮三十里至安肅縣白溝驛或云固城鎮

安肅縣屬保定府燕武遂地漢置北城縣隋曰遂城唐屬易州宋爲安肅縣元明因之舊諺云銅梁門鐵遂城故謂之鐵城元劉因鐵城道中詩冷烟衰草千家邑流水斜陽一點村亦樂縣或云固城鎮

龍山府志龍山突兀瀑水漣漪明姜潛詩山腰水有千年潤石眼泉無一日乾

方輿路程考畧

卷

三

藥欄山在縣西六十里戰國時黃伯陽修道於此上有朝陽洞洞中有八卦團瓢至心石上堂水下堂水煉丹爐又別出一洞有肝花石藥欄石明邢雲路詩石徑嶙峋碧草新洞門長日淨風塵看雲坐石忘歸去爲愛青山欲卜隣大興國之舊志云藥欄山

釜山在縣西四十五里山谷名釜陽口有釜山村柳灣在縣東北十里遼宋分界處俗呼蘆草灣

英雄城卽趙武遂城魏孝武以韓瓚爲營州刺史所部皆雄武故號英雄城共縣大士嶽載其蹟光春宮金行宮中有臯蘭殿輝寧殿內有共示觀日



安肅縣白溝驛二十里至荆塘舖十五里至徐河橋

**徐河橋**在安肅縣南三十五里金明昌間建

徐河橋十五里至保定府清苑縣金臺驛

**保定府**古冀州地戰國時分屬燕趙秦屬上谷鉅鹿二郡漢爲涿鉅鹿二郡及中山國地唐爲莫涿易瀛定深祁七州地宋爲保州賜名清苑郡金爲順天軍元爲保定路明直隸京師附郭**清苑縣**漢置樊輿廣望二縣隋改清苑唐屬鄭州宋曰保塞金復曰清苑元明因之元劉因呈保定諸公詩冀北高寒境英靈海岳全斯文若程邵家世亦幽燕祀典今誰舉遺

方輿路程考畧

卷

四

經會有傳吾鄉此盛事瞻仰在他年

**郎山郡**之望山也上有燕王仙臺水經注稱其岑若

鳥翅石如劔杪今郎峯聳秀爲八景之一元劉因

詩危關度雪嶺亂石通荒蹊萬里來長風五色開晴

霓長劔倚天立皎潔瑩鷗鷗千年壓幽燕烟草寒淒

淒頗憶山中人雲間時聞犬與雞別有靈境在徑欲

共把耕雲犁九疑窺衡湘禹穴探會稽玉井爛賞金

芙蕖日觀倒挂青玻璃風烟回首莫瀟灑南遊準擬

相招攜

**九水**其名曰徐曰漕曰雹曰平曰一畝泉曰方順曰



唐曰滋曰沙或會澠水或入濡水皆郡境巨津也

白雲阜在郡南似山非山俗曰南坡春秋常有雲氣

百花嶼在郡南雙溪上郡人遊賞之地

清苑河在縣南即古盧水一名沈水宋史河渠志蓄

蓮花池在府治前兩沼對開一橋曲度盛夏荷繁畫

艇不絕上有君子亭臨漪亭後樂亭明辛自修詩

芳亭玉井年年發獨使人思後樂翁

樂鄉城在縣東南漢高帝過趙問樂毅後得樂叔封

之樂鄉號曰華成君

方輿路程考畧

卷

五

萬卷樓在府治內元大帥賈輔建藏經史子集百家

衆流法書名畫別爲九等共數千卷邀致郝經築堂

於側居之肆其觀覽經嘗有記

楊忠愍祠在府治西繼盛當明嘉靖時屢建直言爲

嚴嵩所陷論死隆慶初贈恤追謚忠愍詔建旌忠祠

本朝順治十三年命勒碑二通於祠前以褒其忠

世祖

章皇帝御製楊繼盛論蓋水一

朕觀有明二百七十餘年忠諫之臣往往而有至於不

畏強禦披膈犯顏則無如楊繼盛而被禍慘烈殺身成  
仁者亦無如繼盛云當是時其君端拱修玄委政輔弼



而逆臣嚴嵩父子盜執大柄濁亂王家威福擅專紀綱蕩廢在廷之臣皆洩忍阿諛奔走承順繼盛獨能伸大義聲其十罪更彰其五姦使隱隱昭明稔惡暴白豈非獨行不懼者哉夫繼盛特曹郎耳非有貴戚之誼股肱之任與拾遺補闕之責也以疎逖之臣惡權寵之姦遂思執白簡而彈去之其勢不敵夫人知之矣乃毅然不顧且繼盛一官又非未經摧折者方仇鸞主互市議時衆皆頰首縮頸塞默不敢異繼盛排羣說力言不可致權臣包休刑之瀕死謫官遐方歷尉令始得至一曹郎令他者處此且保軀固位未遑安敢復蹈前迹而繼盛

歷事未月又有舍身圖報之章蓋念君恩難負姦輔難容建言寧許崇卑報國不憂生死洵忘身殉君忘家殉國者也且是時嚴嵩與仇鸞隙思繼盛言遂欲立貴之以爲已用故數假王命內示其私繼盛倘一委蛇可立取通顯不則緘口屏息循職自効亦何所不容而乃重公室藐權門慷慨叫闈從容就義有臣如此良國之砥柱哉蓋繼盛自有生後夙罹閔凶艱苦備至故堅貞之性百折勿回可謂富貴不能淫貧賤不能移威武不能屈者矣嗟乎繼盛值諱言之朝無立言之責尚能不畏強禦披膈犯顏如此今之爲臣者乃身任言職直節罔



世祖

聞感私德而辜主恩畏權威而忘國事以視繼盛能不  
媿然汗下哉朕故咏浩氣丹心之句不勝三歎爲直臣  
惜也豈必言卓然可勝而竟不昂志而與諸哉哉  
章皇帝御製表忠錄序繼盛臣主獻其言諷其良其  
自古賢臣正士効力王家率授命致身捐生赴義跡其  
所遭若無厚幸然而時過論定聲稱振揚及於代遠風  
遙流徽彌茂留連曩迹如違其人是以孟軻有言奮乎  
百世之上百世之下聞者莫不興起也夫當其矢心靖  
獻奮不顧軀豈逆覩後人美歎靡窮哉獨以浩然之氣  
成特立之操內無懼心外無慚德而已顧竭志盡忠者  
方輿路程考畧

卷

七

人臣之誼善善惡惡者大道之公循省徃哲愛結於中  
誠有不能自己者也朕萬幾之暇由繹載籍每覽忠孝  
節義之事未嘗不反覆三致意焉至明史嘉靖年間有  
直臣楊繼盛者以諫死於戲賢哉觀其劾仇鸞嚴嵩二  
疏凜凜乎烈丈夫矣夫尊爵厚祿握權當軸者何可勝  
道然當時則榮沒則已焉甚或遺穢蒙嗤爲世昭鑒去  
繼盛奚翅霄壤哉使繼盛獲遇明主庸其言顯其身其  
所建豎必有卓然可觀者而竟不得志而歿與龍逢比  
干先後合轍亦可悲矣朕讀其文傷其意慨然想見其  
爲人故特表而出之以旌其忠鯁垂法將來由斯以觀



卽謂繼盛至今存可也

**聚奎樓**在南城上高欲凌霄雞水即峯瞭然指掌

元劉因登城樓詩獨倚危樓數鬢毛一簾輕燕晚涼高雲移山影飛初定雨帶風聲勢漸豪

保定府金臺驛二十里至大安店十五里至滿城縣涇

陽驛

**滿城縣**屬保定府漢置北平縣屬中山國唐屬易州

天寶間改曰滿城宋省入清苑縣金復置滿城屬保

州元明俱屬保定元劉因滿城道中詩別澗水流

合斷林煙補平誰能分半壑相與結巖耕

方輿路程考畧

卷

**抱陽山**在縣西南十里兩峯南向中谷溫和冰雪不

積春時花木翦翳故一名花陽**抱陽寺**在山上元

郝經詩屏顏蒼玉抱幽村笑兀雙龍窟宅尊回首萬

山東盡處冷煙平遠半乾坤**張說讀書臺**在西巖下

內有虛室說自爲賦明月窓前古樹檐邊無北堂之

樽酒絕南隣之管絃理涉虛趣心階靜緣厭百慮之

勞止歸一途之兀然**繼志庵**宋刑化基子仲良建曰

抱陽南軒劉因詩下瞰懸崖老木稠輕風毛髮散

涼秋蒼苔白石夢初覺霽月疎雲山欲流

**玉山**在縣北十五里山多白石如玉所謂燕石次玉

是也有玉山店南有片石中央一小臼每旱掀石淨春卽雨

**五廻嶺**一名廣昌嶺委折五廻故名上有北魏時御射碑其文曰太延元年十二月車駕東巡歷五廻之嶮

嶮遠覽崇崖之竦峙乃停路側援弓而射飛矢踰于巖巔二百餘步是用刊石以讚元功

元劉因詩飛狐天下脊老氣盤五廻

**紅花泉**在縣東龍泉寺明孫慎詩文采雙鴛鴦相

趣紅蓮下

涇陽驛十里至方順橋

方輿路程考畧

卷

九

**方順橋**在縣東與趙州徐河二橋皆隋開皇間匠人李春作

方順橋三十里至慶都縣翟城驛

**慶都縣**屬保定府堯母曰慶都蓋以地為名也漢置望都縣屬中山國北齊省入北平隋復置望都縣唐屬定州宋屬中山府金改曰慶都元明俱屬保定

**堯山**俗名唐巖又五里有望都山相傳堯母慶都所居漢書注張晏曰堯山在北慶都在南每登堯山見

慶都故亦名望都元王暉詩軟紅沙路柳條風雪擁陽陂見峴融細遶嘉山三面過唐河東北望堯封



龍泉河在縣北有黃泉黑泉相去僅丈餘色分明不  
溷志稱縣境凡有九泉滙流成河又有龍泉溪劉郭  
昇記西溪菡萏不減瀟湘之境也 明徐天錫詩澄鮮  
一鏡通沾漑萬家利令尹快冥搜清涼洗炎熾  
帝堯廟在城東廟中有柏二株俗謂之三皇五帝柏  
有元郝經撰碑 明夏言堯廟蒼柏詩厚地盤根太  
古時拏雲擢霧屈虬枝雪霜不改貞心在雨露長涵  
黛色奇

附見五臺山路程

慶都縣三十里至唐縣南關三十里至西雹水

方輿路程考畧

卷

十

西雹水屬唐縣水經注唐水西流歷左人亭注漚水  
又東左會一水水出中山城北郎中埠下亦謂之唐  
水又名雹水

西雹水三十里至鎮裏莊六十里至王快鎮三十里至  
長壽莊

長壽莊屬阜平縣王快鎮本名王槐舖土人訛爲王  
槐舖煙火千家三關孔道也

長壽莊二十里至阜平縣南關七十里至龍泉關

龍泉關屬阜平縣與紫荆等關相接五臺繁峙必由  
之路也

御製秋日再過阜平詩

春經阜平縣夾道多榛杞雉堞久傾頽郭郭僅遺址耆  
老遮馬前其言質且俚土穉願力田三時事耘耔所苦  
井稅輸道遠越山水聞之切痼瘵寧爾在幹止有司近  
拊循瘡痍庶能起十室忠信存何況境百里郊圻戒申  
畫風土亦洵美問俗此重來居民咸色喜易彼蒿與萊  
荒塗漸成市經野得良圖可以喻治理

御製再駐龍泉關詩

高臨晴雨外絕磴似凌空節物經冬異關山對月同龍  
泉冰未白鴈塞葉初紅歷歷曾遊地香臺在眼中

方輿路程考畧

卷

十二

明王世貞龍泉關詩層巒不盡鎖氤氳氣時干北  
斗文浩蕩天連三晉濶清凉水自五臺分關如趙壁  
常完月嶺似并刀欲剪雲總爲山河能表裏薊門何  
限羽林軍

龍泉關二十里至長城嶺

長城嶺又名十八盤嶺關山險隘石磴崎嶇一松臨

崖碑題爲宋楊延昭挂甲樹過嶺入山西五臺縣界

五臺縣屬山西太原府禹貢冀州之域春秋晉地戰

國屬趙秦屬鴈門郡漢置慮虜縣屬太原郡隋爲五  
臺縣唐屬代州宋因之金元爲臺州明復曰五臺縣



御製自長城嶺至臺懷詩

山行竟日夕風景一以殊萬馬魚貫前宛若登天衢雲際冠層峯雪外辨修途叢卉未甲圻寒禽互喧呼曲澗響環玦空籟鳴笙竽縱乏綺麗觀煙蘿澹相娛流覽多所欣未覺道路紆五臺遙入抱鬱鬱誠靈區翠微未及上身已臨清都佳氣愜遐賞曠懷抗遠圖陶唐此故土餘澤仍漸濡刻玉緬往迹遊河景前模載詠蟋蟀吟遺風今有無

明徐賁十八盤詩土谷既深入高山復噴吮微逕纔百尺下轉十八盤俯臨澗壑險勢陡不可看亂石鬪

方輿路程考畧

卷

七

磊砢置足恐不安長鏡那可托藤蔓無由攀寸步每千慮舉動如蹢躅心膽掉欲碎毛髮亦爲寒戰兢尚未足何暇發慨歎平生行路心此日方知難

射虎川去長城嶺十五里有臺麓寺康熙二十二年駕經此地有虎伏灌莽間援弓射之立斃撫臣請名其地

爲射虎川

御製射虎川臺麓寺碑

五臺峙京師之西綿亘晉代數州地是爲天下靈區奧境以壯固神京癸亥春二月朕巡省民俗言陟茲山而觀覽焉去臺懷數十里適有虎隱現叢薄間朕偶御弧



矢一發殪之里人皆歡呼曰是爲民害久矣今鑾輿臨幸而此獸用殪殆天之所以除民災也因號其地曰射虎川且相率爲浮屠之宮以表厥異旣成襟帶山澤面勢爽塏重櫨巨棟鳥革翬飛與臺上諸名剎相映帶稱勝槩焉邦人重其事請朕製文勒碑以垂永久夫事雖微而苟有利於民則皆可紀以示後嘗觀周禮特命官掌設弧矢以攻猛獸蓋虎豹鷩戾能戕人害物者必殄絕之仁民故也朕乘輿所歷偶接於耳目之前爰發一矢斃一獸事則適然而羣心咸悅流傳以爲嘉美其有合於先王服猛之義也夫故俯順其請因勒斯文用志

方輿路程考畧

卷

三

巡歷之歲時云爾

五臺山本名清凉山在縣治東北一百二十里上有五峯高出雲表頂皆積土平廣如臺故謂之五臺法苑珠林云山方三百里巉巖崇峻臺上不生草木經言文殊將五百仙人往清凉山卽斯地也華嚴經疏云清凉山者卽今代州鴈門郡五臺山也此山磅礴數州左隣恒岳隱嶙參天右拱洪河縈迴帶地北臨朔野限雄鎮之關防南擁汾陽作神州之勝勢廻環幸日月蓄泄雲龍雖積雪夏凝而奇花萬品寒風冬冽天而珍卉千名丹障橫開翠屏疊起排空度險時逢物



外之流捫蘿履危每造非常之境白雪凝布疑淨練  
於長江早日熾升認扶桑於大海神州靈記云五臺  
有四陞去臺各一百二十里東陞爲無恤臺趙簡子  
名無恤曾登此觀海西陞爲曹臺山上有宮池古廟  
世傳神龍所居南陞爲繫舟山上有銅鑲船軸相傳  
堯時洪水繫舟於此北陞有覆宿堆卽夏屋山也魏  
孝文帝往覆宿此因以名焉唐柳宗元送浮屠文暢  
登五臺序有曰雲代之間有靈山焉與竺乾鷲嶺角  
立相應者也

御製冬日重登清涼山詩

方輿路程考畧

卷

古

紫府名山憶舊蹤招提駐罕認雲松陰崖尚有春時雪  
落日仍聽下界鐘塞遠渾河寒更白林疎恒嶽翠逾重  
祝釐交叶人天慶銀榜新題徧五峯

唐杜甫贈許損詩許生五臺賓業白出石壁余亦師  
粲可身猶縛禪寂精微穿溟泮飛動摧霹靂君意人  
不知人間夜寥聞 宋蘇軾送張天覺詩西登太行  
嶺北望清涼山晴空浮五髻晡靄卿雲間餘光入巖  
石神草出茅菅何人相指示稍稍落人寰 元元好  
問臺山雜詠顛風作力掃陰霾白日青天四望開好  
箇臺山真面目爭教坡老不曾來 又山雲吞吐翠



微中淡綠深青一萬重此景祇應天上有豈知身在  
妙高峯黃鎮成五臺山詩去禮文殊寶剎開倚空  
巒岫鬱崔嵬金函奉旨傳香至白氈圖形載法來心  
鏡象懸天外月敎筵獅吼地中雷還將拂子閒拈起  
更上繡經第一臺明高數仞望臺山詩曾蒞五臺  
邑遙瞻紫府山疎鐘寒雨外野寺暮雲間陸深詩  
六月蕭然似晚秋登高重整木棉裘卽看滿澗泉初  
出知是前巖雨乍收碧嶂旋隨孤鳥沒白雲長傍古  
松留幽芳一路無人采何處三山更十洲又黃河  
紫塞依依見碧殿珠樓面看又下界風雷喧衆

方輿路程考畧

卷

五

壑上方鐘鼓出長林

東臺高三十八里平廣三里舊名雪峯亦名望海峯  
峯頭遙見滄瀛諸州明霞若波若鏡卽大海也寺曰  
望海寺東有那羅延洞寒風肅肅盛夏積冰又東爲  
碧山寺舊稱北山寺象敎精嚴梵唄清越是息心淨  
行之地也

御製東臺望海寺碑

周官職方氏掌天下之圖辨九州之國州表一山以爲  
鎮躋其巔可以望海者則揚之會稽究之岱青之沂幽  
之醫無閭凡四山焉惟岱距海較遠登山觀望扶桑其



峇巽峻極尤非他山可比也五臺隸并州州境無海而臺之東峯以望海名蓋雲中上黨晉地踞天下之脊山之麓既高而臺之高復三十餘里龍泉以東岡巒陵阜皆處其下遠瞰滄瀛諸州景光恂恍儼若紫瀾浩淼與青顥之氣混涵相接記稱旭日方升望大海若波澤信有以哉臺有寺棟棟榑桷不蔽風雨朕省方登此命加修葺復其初制蓮臺法相固極莊嚴已四方之人得於焉信宿縱睇溟渤之朝瞰以視夫岱宗日觀又何多讓耶遂礪片石文以紀之

御製五臺碧山寺碑

方輿路程考畧

卷

七

原夫園成祇樹聿標鷲嶺之奇香滿旃檀定據琳宮之勝况山雄雲代宇結清涼文殊演教而開基天龍八部迦葉瞻容而頰首螺髻千身繫朔塞之名區實梵王之法界經馱白馬觀貝畫之常新地布黃金喜蔭林之重燦茲碧山寺棟構臺阿翬飛巖畔榜傳普濟化城之玉碣猶存谷號華嚴德水之青蓮時現銀龕珠洞映三藏之神光疊嶂層巒萃五方之靈秀浮煙罨翠迴接蒼穹含靄流清旁分綠澗何羣峯之凝碧繞丈室以增幽鴈塔峻嶒朱夏帶陰山之雪鶴林高下白毫連紫極之雲茲因歲月遷移川陵委寂禪枝忍草侵榛蔓以交蕪寶



慈禧

鐸雕薨歷風霜而黯色朕親來佛地藉祝  
爰整金繩丕施珠網啓琉璃之淨國寶樹攢香燦瓔珞  
之紅樓曇花四照相輪自備巧傍新幡丹鳳飛來還棲  
舊刹苾芻競集弘參不二之宗象力攸崇眾證無爲之  
果用鐫貞石永煥名山

御製登望海峯詩

誰駕鼇爲柱神州左一方重關連委粟半夜豁扶桑曉  
散嵐光白晴收水氣黃瀛壖不可極萬里自蒼茫

宋張商英東臺望海峯詩迢迢雲水隔峯巒漸覺天  
低宇宙寬東北分明觀大海西南咫尺望長安

方輿路程考畧

卷

七

滕季達望海峯詩金鋪宇宙三千界翠擁蓬萊十二  
樓邢雲路詩蜃蒸溟渤千靈見烏出扶桑萬竈開

西臺高三十五里平廣二里舊各挂月峯上有寺曰  
法雷寺松杉交蔭寺在林中旋折而上如棧閣然小

石浮圖是魏文帝所立石上人馬跡宛然北有秘魔  
崖東北有文殊洗鉢池西有八功德水東有牛心石

可療心疾

御製西臺法雷寺碑

朕聞鷲嶺蜂臺不少水晶之域鵠林鹿苑恒開金粟之  
園莫不獻露裊之千花蔭春浮之雙樹迺有龍湫抱鉢



借猿鶴以高棲燕子成龕捫藤蘿而直上况夫竺法蘭之初地舊是花宮勾龍爽之畫圖羣推紫府細蓮照野智炬長然青豆開房精廬用結西臺絕頂有法雷寺焉方廣化城文殊密宇琉璃布地霄隣挂月之峯栲栳名山磴轉干雲之石仙人五百青髻曾遊沙界三千玉毫盡徹指修蛇之負壑恒嶽匪遙數歸鴈之銜蘆并門在下朕對清涼之勝景招閭闔之長風北瞻則畢月昴車西顧則參旗井鉞憫此伽藍久廢飭其瓦甌重新紺馬銖衣長轉相輪於雲表桐魚茶版仍流清響於山椒庶使龍象行時金閣遠符大曆俊猊坐處神光復現元和

方輿路程考畧

卷

六

云爾

明滕季達挂月峯詩一輪寶月挂西岑萬壑松濤覺  
海音檻外星河秋皎皎席前村郭夜沉沉梵鐘聲散  
金鼇界貝葉光搖師子林莫道衆生無舍利維摩元  
是本來心

南臺高三十七里平廣二里頂如覆盂名錦繡峯五

六月間細草雜花布滿崖谷鋪若錦繡然上有寺曰

普濟寺後有普賢塔清涼石在南臺下石面細理成

文天然綺藻昔有頭陀跌坐說法梵音琅然近之卽  
失後人因名其石爲曼殊床金閣寺亦在南臺唐廣



德間范銅爲文殊像高丈六今寺有鎏金立佛高五丈許左有天盆谷如仰盆狀山北爲車溝兩崖深峭若車箱然以曲徑逶迤又名蛇溝

御製南臺普濟寺碑

南臺世傳文殊示現之處也臺當山之陽地稍暄暖金葉日菊佛鉢之花生徧崖谷若錦繡之相錯故其峯曰錦繡之峯峯有寺曰普濟蓋宋所建云佛氏之教息心淨業以獨善其身而文殊所願在饒益衆生布施以廣仁義持戒以守信忍辱以爲謙精進以施敬禪定以守靜知慧以通理其慈惠之心有獨弘者自漢以來清涼

方輿路程考畧

卷

九

之山代有精舍至宋之十寺爲國祝釐恒賜詔褒荅載籍傳之所從來久矣山之僧棲巖飲澗以自甘惟守其師之說以獨善其身寺有圯者力不能興葺也朕登南臺乃命復新普濟寺以居僧徒之息心淨業者俾祝釐於是登臨者覩象教之精嚴慈惠之心可以油然而生矣

元元好問詩登臨夙有故鄉緣試手清涼第一篇知被錢郎笑寒乞不將錦繡裹山川 明唐文煥南臺錦繡峯詩天風吹上妙高臺滿眼山光紫氣開鐘破曉烟清落澗履拖春雨亂黏苔水邊呪鉢龍飛出松



底翻經鶴下來一坐清凉絕塵事浩歌歸去幾徘徊  
又胡鎮次韻詩淡烟縹緲隔仙臺混沌鍾靈始鑿  
開霜葉半林紅露寺雨碑一片綠封苔晴空花雨有  
感時下樹杪金燈幾度來感應曾聞張相國令人追憶  
幾徘徊陸深清凉石詩炙手薰心事已多曉涼來  
而撫石盤陀不爭可受千人坐無事應須百遍過初日  
射林光歷亂嬾雲將雨濕堦我夜深或有騎牛到堪  
和南山扣角歌

北臺高四十里平廣三里名叶斗峯峯勢摩天寺曰  
靈應寺寺前有青龍池約二畝佛經言禁五百毒龍  
方輿路程考畧

卷

三

御製北臺靈應寺碑  
之所其麓有七佛池飲牛池南畔有羅睺臺又有孝  
文教鷹臺孝文打毬場玉泉金井諸勝

清凉山左隣恒嶽右接天池環基五百餘里五峯竦峙  
而北臺爲最高歲癸亥二月朕鑾輅西巡登其層巘雲  
氣生鳥履之下開合萬變時春雪方霽青霄夏絕天風  
颯然所謂身歷清靜之域目睇澄鮮之境心遊太古之  
地盈縮造化吐納顛氣泠然善也臺名叶斗峯舊有靈  
應寺丹青虧剝禱廟欹傾朕念衣緇之流不外仁義以  
爲教故熙隆之代亦所不廢矧曼殊化宇恒著感通遠



邇之人蘄嚮久矣爰命崇其陛祀飾其題案土木瓦石丹堊金碧之需財自內出不涉經費工以傭給役弗違農是以工敏於事而民若不知秋八月告落成焉董事之臣請製文勒石以志之用以上昭景福於

慈闈下廣嘉惠於兆民垂示於億萬斯年爾

絕磴摩羣峭高寒逼斗宮鐘鳴千嶂外人語九霄中朔雪晴猶積春水暖未融憑虛看陸海此地卽方蓬

明釋覺同北臺叶斗峯詩北來乘輿上崔嵬天外捫蘿鳥徑迴寒谷未秋先落葉陰崖不雨自生雷低懸

方輿路程考畧

卷

三

銀漢星千點俯視滄溟水一杯笑指文殊棲跡處幾經劫火不曾灰

中臺高四十里平廣六里名擁翠峯頂有太華池方二里天生九曲澄澈見底池內叢石名花百品寺曰演教寺南眺晉陽北俯沙塞又有萬壽寺玉華寺玉華泉在寺前泉上有鐵羅漢五百軀各具山林瀟灑之相其南爲靈鷲峯乃中臺支山也五峯類髻名爲菩薩頂峯右爲甘露泉味極甘冽唐釋法雲於此建大文殊寺相傳殿成時文殊現像雲命塑工安生肖之名曰真容院宋太宗時曾賜以御書建閣曰寶章



殊像寺在靈鷲之麓土名臺懷清涼最佳處也又有  
大顯通寺明永樂時賜額中爲無梁殿架石而成不  
設寸木崇隆深廣疑有鬼工寺後銅殿一區銅塔五  
座工制俱極精巧登吳山清風自適之樂語爾  
御製中臺演教寺碑高平蓮花其意自適之樂語爾

五臺之山高出雲代然不與岳鎮之列山經禹貢以及  
道書所稱洞天福地均莫之載蓋自昔爲釋子所棲故  
與峨眉普陀號三靈山之三山者或在海上或當巴蜀  
險遠之區惟茲山峙神京之右千里而近宜登陟者較  
多焉朕嘗覽觀載記謂茲山東有離岳火珠西有麗農

方輿路程考畧

卷

三

瑤室南有洞光珠樹北有玉澗瓊枝中峯則有自明之  
金環光之壁是靈秀所鍾中臺爲尤異矣臺高三十有  
九里游者至是必思憩息之地此自唐以來演教寺之  
所由建也山峻多風寺久傾圯朕爰命工拓而新之譬  
諸於物澤雉十步一啄百步一飲鵬之飛九萬里而扶  
搖六月而息其遠邇高下雖殊方其息自適之情則一  
也朕之命新茲寺亦欲登是山者咸有自適之樂焉爾  
御製菩薩頂大文殊院碑育泉工寺對瞻觀一圓驗卷五  
夫坤輿九壤厥有名區方志所標莫之勝紀若其巒隴  
綿邈巖岡崇阻縈紆窈窕悠然遠望列峯競秀壁立霞



駭不可殫視則惟清涼山之五臺爲最勝五臺並高數十  
里如覆盂如懸棧閣如鵬摩天如鼇脊出海飛嶠穹  
岫飄渺超忽而風高氣寒土脈深陜遠近如一至夫鬱  
盤迴薄斥爲廣衍之地蘊真萃異信爲靈跡之所棲託  
者惟臺懷爲最勝臺懷居五臺之中左襟右帶前頰後  
仰若在懷抱其地陽陸平林舊多梵刹有菩薩頂文殊  
院者相傳文殊示現於此其殿廡尤莊嚴弘遠殆福地  
之精藍神垆之奧蹟也我朝建鼎以來歲有賜給爲國  
祝釐蓋其境域過清不可以業四民故於禪棲爲宜雖  
寥迴深阻介於無何有之鄉巾瓶施乞遠莫能致然象

方輿路程考畧

卷

三

教所感伊蒲之供率集於四方居其地者亦類能謹教  
律嚴心行致其潔虔以一歸於慈氏之訓庶克稱國家  
優厚之意焉朕西巡駐蹕茲地因劄詞於石列之院中  
以垂示無極云

御製五臺殊像寺碑

蓋惟清涼福地拱紫塞以標靈臺頂名山矗蒼穹而聳  
秀文殊飛錫之所夙號神臯吉祥闡教之區舊多精刹  
况龕留古佛爲法海之殊觀壤接中臺乃香林之勝境  
創琳宮於自昔葺紺宇以維新茲殊像禪寺開基臺畔  
結宇山阿谷邇鳳林環千巖之紫翠堂臨鹿苑俯萬壑



慈闈

之煙霞峯曰梵仙望層巒於天際泉稱般若落清澗於雲中殿有金容因名殊像天人肅穆羣瞻龍象之尊儀度莊嚴共禮俊猊之座青蓮妙相琉璃光映於林端碧樹幽棲鐘磬聲聞於嶺外乃以歲年歷久陳跡都荒風雨所摧僧寮非舊慨此丹楹畫壁無非蛛網塵封朕為祝釐故爾法駕展止閔茲頽廢爰命締修俾梵宇再興

頤筵如故祇園金地依然多寶之場佛頂珠光重現牟尼之瑞招提既肅緇衲咸歸室可賴以安禪用勵清修之衆事有裨於勸俗聿弘覺善之門式勒貞珉永垂奕禩

方輿路程考畧

卷

十四

御製駐蹕靈鷲峯文殊寺詩

地敞層臺近林開法象遙香泉分乳鉢佛火簇松寮紺馬迎鑾入珠幢引隊飄竺蘭遺蹟在選勝歷山椒

御製殊像寺法相最異詩

五髻瞻殊像千花聚法筵經營思哲匠髮髯見初禪縹馬明霞外燃燈畫壁前不須仙梵放清磬已泠然

御製顯通寺詩

蘭若翠微重諸天第一峯金輪開漢日紫府覓仙蹤雪映交牕迴雲封閣道濃夕陽松影外處處報疎鐘

金蕭貢真容院詩魔宮佛界等空虛此理何曾屬有



無直向臺山始相見可中還有二文殊 元元好問

紫詩兜羅綿界寶光雲雲際同瞻化現身解脫文殊俱

卿有說是中知有木強人山明史鑑中臺擁翠峯詩上

山方樓閣聳奇觀金磬泠泠度翠巒深樹浮嵐晴帶雨

山陰崖積雪夏生寒鼈行巖頂星辰近雲起氤氳宇宙

寬何處紫簫吹落月不勝清思繞毫端 滕季達中

臺詩壁立中臺萬丈峯半空空翠落芙蓉千年古塔

函金象滿谷寒冰卧玉龍晴壑倒懸南澗瀑春雷隱

約下方鐘青鞋久混緇黃跡瑤草天花處處逢 天英

娑羅樹在臺懷山村崇岡灌木微見曦影禪棲數楹

### 方輿路程考畧

### 卷

### 三

在山深處前有古樹高二丈許枝榦盤虬相傳爲娑

羅樹又名七葉木山中名花異草有五日菊金芙蓉

鉢囊花芨藂草菩薩線皆他山所無 南陽縣志卷四

### 御製娑羅樹歌

中臺萬丈峯半空空翠落芙蓉千年古塔

娑羅珍木不易得此樹惟應月中植想見初從西域移

山中有人多未識海桐結蕊松栝形千花散盡七葉青

山禽廻翔不敢集虛堂落子風泠泠楚州遺碑今已偃

峨眉雪外雙林遠未若茲山近可遊靈根終古蟠層巘

繁陰亭午轉團圞回睇精藍路幾盤憑教紫府仙山樹

寫入披香殿裏看 昧真可中巖谷二文殊 天英



御製天花詩

宋歐陽修七葉木詩常於佛家見疑在月宮生卸砌  
陰鋪靜虛堂子落聲 元元好問鉢囊花詩一國春  
風帝子家綵雲晴雪間紅霞香綿穩藉僧鞵草蜀錦  
驚看佛鉢花 又金芙蓉詩沉沉龍穴貯雲煙百草  
千花雨露偏佛土休將人境比誰家隨步得金蓮  
天花地菜五臺所產雨餘生菌如斗其色乾黃名曰  
天花其在陰崕叢薄落葉委積蒸濕怒生白莖紫繖  
是謂地菜又有銀盤猴頭皆菌屬味亦香美

靈山過雨萬松青朶朶細雲摘翠屏玉笈重緘敕飛騎  
方輿路程考畧 卷 三

先調六膳進

慈寧

宋朱弁天花詩地菜方為九夏珍天花忽從五臺至  
堆盤初見瑤草腴鳴齒稍覺瓊枝脆赤城菌子立萬  
釘今日因君不知貴 雨明釋鎮澄天花歌五臺山產  
靈葩土人目之為天花多在巔崖深險處枯木雲蒸  
抽菌芽 又金芙蓉詩 武州穴嶺雲點百草  
風帝子家綵雲靄雪間涼露香五臺山路程止  
剡輪轉虛堂千朶朶 元元好問檢囊花詩一國春  
宋烟園外小葉木皆當於將寒見銀在月宮生卸砌

欽定方輿路程考畧卷

由京師至山西省城陸路 第二冊

慶都縣翟城驛三十里至清風店三十里至定州永定

驛

定州屬真定府春秋中山地漢置中山國治盧奴後

燕慕容垂都此改曰弗連魏改定州唐因之宋曰定

武金屬中山府元明俱屬真定 元李光溥寓定州

禪宇六言詩幽鳥避人飛去好風戀竹頻來為愛僧

家庭宇莫教踏破蒼苔 明高叔嗣定州道中詩夾

岸新楊映廣津客行無緒獨愁人故園亦有千頭樹

方輿路程考畧

卷

一

二月中旬汴水濱 何景明登定州塔詩塔勢盤空

上笙簫繞洞行懸梯出萬井飛蓋俯孤城燕代風雲

色滹沱鴈鶩聲登高竝回首直北是神京

中山在城中故曰中山宋蘇軾知定州嘗得多葉杏

種之後圃為詩曰零露泣月蓋溫風散晴葩芳心誰

剪刻天質自清華

竹塢唐杜牧知定州簿書之暇常往來竹塢有一褐

擁秋寒小窓侵竹塢之句

闕古堂在州治後圃宋韓琦建富弼闕古堂序天下

十八道河北最重河北三十六州定州最要知是邦



者非文武才望不能安疆場屏王室公廼擇取歷代  
賢守將行事創大屋以類相次繪於周壁榜之曰閱  
古堂蓋欲閱古人之所爲而法之也其詩曰公文化  
民公武禦侮何思古人公不自許遂擇守將繪於堂  
宇列其行事指掌可數是也 韓琦閱古堂垂柳詩  
東君於此最多情先與黃金撚畫成何似亞夫堅壁  
地因人千古得嘉名 小檜詩小檜新移近曲闌養  
成隆棟亦非難當軒不是憐蒼翠只要人知耐歲寒  
元劉因詩千年閱古堂還歌鄭國詩徘徊老柏前  
目送秋鴻飛

方輿路程考畧

卷

二

養真亭在州治後亦韓琦築 明黃輝詩柳拂層城

靜花迎小隊香

雪浪齋在儒學中宋蘇軾建其自序曰中山後圃得  
黑石白脉石間如奔流盡水之變名其室曰雪浪齋  
銘曰異哉駁石雪浪翻石中乃有此理存玉井芙蓉  
丈八盆伏流飛空漱其根

衆春園在華塔寺韓琦築自爲記云其間庭榭花草

冠於北陲良辰佳節太守與吏民遊觀其間以爲盛  
時無事之樂

滋溪書屋在滋河北元叅政蘇天爵讀書處 虞集



詩滋源恒伏流春雨川乃盈林疇廣數潤草木俱繁  
榮臨深見游儵仰喬有鳴鶯君子樂在斯齋居託令  
名

**陋室**唐劉禹錫中山人陋室銘斯是陋室惟吾德馨  
**大塔**在州治南開元寺中宋時建以瞭望遠警一曰  
瞭敵塔

永定驛三十里至明月店二十里至新樂縣西樂驛

**新樂縣**屬真定府春秋鮮虞國漢新市縣隋析置新  
樂屬博陵郡唐屬定州宋仍之元屬中山府明屬定

州

方輿路程考畧

卷

三

**沙河**在縣門外卽古泝水經行唐新樂二縣間北使  
錄自真定府七十里過沙河至新樂乃唐郭子儀史  
思明戰處

**伏羲城**在縣西南十五里有羲臺上有羲皇古廟  
其北有洗兒池相傳帝初生澡浴之所至今水流紅  
艷草偃赤光  
**明鄭一麟**羲臺詩九州未別無名代  
八卦初成有象時

**西樂城**漢書成帝時中山孝王母馮昭儀隨王就國  
爲建城於樂里因在西鄉故名西樂誤曰新樂今廢  
西樂驛四十里至伏城驛二十五里至拐角舖二十五



里至真定府真定縣恒山驛

**真定府**春秋晉地後屬趙秦爲鉅鹿郡漢初置恒山郡後改曰常山至後周曰恒州唐改鎮州五代爲真定府宋金因之元曰真定路明仍爲真定府其附郭**真定縣**漢初爲東垣縣後改真定歷代因之晉傅咸詩奕奕恒山作鎮冀方伊趙建國在岳之陽元陳孚真定懷古詩千里桑麻綠蔭城萬家燈火管弦清恒山北走見雲氣滹水西來聞鴈聲傳若金自真定赴都詩午發滹沱城暮投郭村店人烟樹相錯分野昴所占明高叔嗣再次真定詩經途雨雪涉

方輿路程考畧

卷

四

冬春倉卒重過奈此身客舍留人酒瓮熟官橋繫馬柳枝新李攀龍真定詩青樽夜倒滹沱月紫馬秋嘶大陸雲馬三才真定署中詩雲氣千山淨槐陰一院多

**大茂山**在郡西北曲陽縣界舊爲北岳考北岳恒山有二一在山西太原府渾源州一卽大茂山畿輔山川志大茂山自渾源州發脉由飛狐嶺達曲陽一統志恒山考云宋時恒山入遼從曲陽縣望祀之元明祭祀亦在曲陽弘治六年兵部尚書馬文升請釐祀典乃脩治渾源州舊廟而祀事仍在曲陽



本朝順治十七年始改祀於渾源。元元好問詩大茂  
維岳古帝孫太朴未散真巧存乾坤自有靈境在地  
位豈合他山尊中原旌旗白日閃上界樓觀蒼烟屯  
誰能借我兩黃鵠長袖一拂元都門  
渾沱河在縣南三里源出山西代州大戲山經孟城  
平山靈壽至此逶迤入漳河達小直沽歸海漢光武  
渡河水合卽此河下流唐盧照鄰晚過渾沱詩津  
谷朝行遠冰川夕望曛霞明深淺浪風捲去來雲  
胡曾詩光武經營業未興玉郎兵革斃憑陵須知後  
漢功臣力不及渾沱一片冰元劉因詩遙臨渾水

方輿路程考畧

卷

五

岸回首玉門關秋色巉巖裏山形拱抱間明程敏  
政詩寒風挾霜起冰浪從西來下觸斷橋柱碎此千  
瓊瑰流響甚清麗驚波屢盤迴官舟大如掌疾棹過  
南隈古來濟川人感激多良材何景明詩長隄枕  
春郭斷岸入殘暉宿鳥張燈起驚鳧解纜飛李攀  
龍詩渾沱來不極曉色蕩孤城擊楫中流過塞帷下  
吏情天銜紆岸轉日上大波行獨在知津後風塵見  
濯纓  
大鳴泉在縣西三十里有泉數十穴大者如車輪溉  
田數千頃有孔雀佛閣臨其上旁有辣羊神祠大明



巖起恒詩歎光浮雪意沸響隱雷威最愛涓涓處能  
令玉粒肥

恒陽第一泉在城西門外甘冽異常明李鳴春詩

潞洄細繞芙蓉澗香冽高凝錦繡城

陽和樓在縣東南元至正間建學士楊俊民爲記

明袁宏道詩青天一碧翠遮空浪捲雲奔夕照中郭

外荷花三十里清香散作滿城風

明遠亭元趙孟頫有寄題真定明遠亭詩未到新亭

上先題明遠詩雲間歸鴈小山下夕陽遲

隆興寺在郡東門內隋開皇間建中有大悲閣奉大

方輿路程考畧

卷

六

悲像高七丈三尺周顯德中收羅天下銅佛鑄錢以  
資調度於是像毀宋太祖過真定詔問本末僧云像  
毀之日有文在腹曰遇顯卽毀遇宋卽興因遣中使  
相地於寺北重建閣中有宋太祖像宋錢惟治織成  
連環詩九十九首元趙孟頫有聖主本命長生碑  
韓曾隆興寺詩玉宇廓澄清剛風氣凝肅恒岳護神  
燕滹沱浸坤軸遠眺入微茫關山點橫幅 明高叔  
嗣大悲閣詩青山地北橫白日天南落欲緩故園思  
聊憑最高閣 汪元范詩梵閣璇霄起香臺寶地成  
倚雲懸複道摩漢次飛甍 張舜典詩雲霞入戶冷



星漢半窓看萬井烟初霽千山雪未乾 李攀龍詩  
高閣峻嶒倚素秋西山寒影掛城頭坐來大陸當窓  
盡不斷溥沱入檻流下界蒼茫元氣合諸天縹緲白  
雲浮使君趨省無多暇斲爾登臨作壯遊 王世貞  
大悲像詩恒河瞋接金篋指大陸雲爭寶髻新 陳  
嘉謨詩三晉遠連恒岳小五臺高映佛身齊

**風動碑**在使院內唐節度使李寶臣紀功碑高三丈  
許剝落不全風起輒動搖故名  
**三忠祠**在縣治東北祀唐常山太守顏杲卿平原太  
守顏真卿宋南康錄事歐陽珣

方輿路程考畧

卷

七

真定府恒山驛二十里至趙陵鋪

**趙陵鋪**相傳趙佗故里有佗先塚大者六小者二十  
三漢爲佗先人置守塚佗遂稱臣 元傅與礪詩南  
越若逢人借問尉陀先塚至今存

趙陵鋪三十里至獲鹿縣鎮寧驛

**獲鹿縣**屬真定府漢石邑縣隋析置鹿泉縣唐曰獲  
鹿宋屬真定府金改爲鎮寧州元初爲西寧州尋復  
曰獲鹿明仍之 唐岑參宿石邑山中詩浮雲不共  
此山齊山靄蒼蒼望欲迷曉月斲飛高樹裏秋河隔  
在數峰西



海螺山在縣西十里綿延聳秀其北爲蓮花山下有白鹿泉山之陽巖洞深邃相接如屋曰聯珠洞又名靈巖洞明喬宇聯珠洞詩雲深合有穹窿頂天巧元無斧鑿痕鹿澗水聲流夜響螺山霞彩映朝昕抱犢山本名草山韓信伐趙使輕騎三千人持赤幟登草山而望卽此後魏時百姓避葛榮之兵抱犢而登故名上有二石如兩龍交抱之狀又生玉照草服之七日不飢元元好問詩舊聞抱犢山摩雲出蒼稜長林絕壑人不到可以避世如武陵

海山石柏在縣東北陰崖間脉理縱橫天然如翠柏

方輿路程考畧

卷

八

鎮寧驛十五里至下安二十五里至余水十里至橫口十里至張村十里至井陘縣陘山驛

井陘縣屬真定府漢屬常山郡隋置井陘郡唐曰井州宋屬真定府金改置威州亦曰陘山郡元徙州治洛水以縣屬焉明改屬真定府唐王維送并州趙都督詩萬里鳴刁斗三軍出井陘明蘇祐井陘道中詩迢遞經恒野崎嶇薄井陘晚風吹雨過山色入簾青傅鎮詩河分滹水斷山接太行迴井陘關在縣東北五十里陘山上四面高平中下如井故曰井陘俗呼爲土門口呂氏春秋天下九塞井



陘其一也史記李左車謂陳餘曰井陘之道車不得方軌騎不得成列宋蘇軾詩裕衙土門口突兀太行頂豈惟團紫雲寔自俯倒景

**百華山**在縣西十里林壑深遠春時羣卉爭發如繡上有張果洞又有仙翁山紫雲洞張果得道之所

**射垞山**相傳秦將王翦立射的處

**縣蔓水**源出陘山韓信擊趙使萬人先行背水爲陣即此

**龍窠寺**在縣治東懸崖有亭朱闌層栴縹緲可愛

**韓信祠**在庄子頭村東崖中有石蟒相傳韓信下井

方輿路程考畧

卷

九

陘見大蟒射之成石元劉因韓信廟詩英彭一體誰遺類絳灌諸孫自列侯愛煞鹿泉泉下水亂山百折只東流

陘山驛十里至板橋十里至核桃園十里至固關

**固關**在井陘縣西南一名故關唐裴度討王庭湊出

故關即此兩山險隘即古井陘口南連贊皇元氏外

通平定樂平所轄隘口三十有六爲直隸山西控扼

要地

御製過固關入山西境詩

鳥道入雲中風光塞漠同人依險地立城自越山叢俗



御製固關口號詩

樸觀民舍才多壯士雄  
芹泉連冀北回首指青驄  
固關須憑人守城高所賴兵防若非威德恩惠恃險何  
曾世長

宋韓琦過故關詩春日并州路羣芳夾故關前騶驅  
弩去別境荷戈還古戍遺殘堞新耕入亂山時平民  
自適白首樂農間  
元元好問故關道中詩林烟常  
黯淡木葉自颼颼  
明王世貞故關詩四塞山河險  
中通一線行雄關蔽全趙疊嶂拱神京尺地分寒暑  
中天各晦明秋英開繡壁夕照吐金城樹雜旌旗擁

方輿路程考畧

卷

十

峯陪劔戟迎符從襄子計陣擬率然名廣武堪稱客  
成安未曉兵古來興廢事大半誤儒生  
明喬宇故  
關詩仄徑依村轉高林隔隴疎溪風爽毛髮山翠濕  
衣裾邊餽春輸盡田租歲歉餘民風兼旅况一一爲  
渠書  
又道旁松火暎溪紅夜度層關月正中老興  
豈緣橫槊在少年誰與棄繻同河山表裏連三晉燕  
趙襟喉控七雄聖代乾坤在統轄詩書何地不帡幪  
固關四十里至樂平縣栢井驛  
樂平縣屬山西太原府漢置沾縣魏於縣置樂平郡  
隋初郡廢置遼州尋廢唐初復置宋置平晉軍金爲



臯州元廢明爲樂平縣。明高叔嗣柏井驛還平定詩空山寂歷鳴蟬斷潦水縱橫匹馬經。李春芳詩凌嵐躡古驛小憩拂征衣客路深深見村鴉款款飛層軒依石磴絕岸隱荆扉舊俗勤農業山田處處肥。少山在縣西南三十五里一名沾山福地記山高八百丈清漳水出焉上有壽聖寺。明喬宇沾山觀清漳詩鼇峯千疊到平林突出招提擁翠岑花雨夜飛天水色松風時送海潮音山中芳草春常換世上紅塵老不侵却笑禪棲非我事謝公餘興在登臨。又壽聖寺詩空階暖霧薰花氣香殿微風引梵音。

方輿路程考畧

卷

十一

臯落山在縣東七十六里一名靈山卽春秋臯落氏之墟左傳晉侯使太子申生伐東山臯落氏卽此。明喬宇詩龍從山勢出雲中臯落城荒雉堞空上黨地分西晉險太行山據北方雄。蒙山在縣東二十里山勢聳拔一峯孤秀。金楊雲翼詩涼氣先秋至重陰接望迷有無山遠近濃淡樹高低鳥雀枝間露牛羊舍北泥支頤正愁絕風雨過前溪。明喬宇蒙山詩倚巖雲起英英白繞澗花飛點點紅欲采紫芝無伴侶山深應有夏黃公。馬嶺在縣東南。明王雲鳳詩厚坤忽擁太行脊上



倚青天纔一尺誰鑿萬朵玉芙蓉蒼壁丹崖太古色  
上有天矯之寒松下有礪磊之怪石瀑布直下三千  
丈長虹偃蹇珠璣擲萬壑晴見雲氣流六月時有冰  
花積鳴泉汨汨出翠微一泓不動玻璃碧巖巖欲討  
幽人居白鶴時見飛來隻何日買田耕紫煙閒看雲  
霞朝復夕

鳳凰山在縣北八里爲縣之主山明趙廷松詩故

國茅堂迥亭高此夜閒天空鴻雁渚月出鳳凰山

沾水在縣西出沾嶺明喬宇詩一脉漣漪出遠嵐

山光雲影共拖藍春深欲染雲衣淨夜久微將月影

方輿路程考畧

卷

三

涵雲潭

石甕潭在縣東七十里車寺村東山峽間廣可畝許

水深莫測巨石覆其上竅天鑿與潭相值臯落諸

水流入五明孫繼魯甕山祠詩千尺靈淵絕澗旁神

龍蹤跡故非常盤空嶺峻連臯落蔽日林深接太行

松峯書院在縣南四十里聖裔孔克威建元呂思誠

作記并詩玉甕携酒遠相邀羸馬何思道路遙流水

遶門山色近薰風楊柳亂鳴蜩

栢井驛三十里至西郊鋪

西郊鋪明高叔嗣有詩敢言觸熱倦悅此午陰長蘭



氣清林薄蒲風散野塘高陵堪下馬怪石欲成羊可  
念征途侶題詩徧驛堂

西郊舖二十里至平定州平潭驛

平定州屬太原府春秋晉地戰國屬趙漢置上艾縣  
後魏改曰石艾唐天寶初改曰廣陽縣宋改曰平定  
軍金陞軍爲州元明因之

御製平定州詩

勞農豈憚元英節寒景風沙透體來誌有鵲山無覓處  
目前常見凍雲回

元元好問平定州詩新堂縹緲接飛樓雲錦周遭霜

方輿路程考畧

卷

三

樹秋莫道使君無妙思冠山移得近城頭  
流水幾橋橫岸上人家種柳成來歲春風千萬樹綠  
烟和雨暗重城

東浮化山在州東五十里又州西有西浮化山皆有

女媧廟相傳爲女媧煉石補天處唐李賀詩女媧

煉石補天處石破天驚逗秋雨明徐賁女媧廟詩

大哉補天手功出千古上至今煉餘石火氣夜猶放

百鳥飛繞枝欲止不敢向地靈氣所鍾祭禱土人仰

綿山在州東九十里舊傳介子推避文公處中有介

子廟明謝榛綿山懷古詩斷山餘古燒悲鳥自荒



榛歲歲逢寒食其如惆悵人  
承天山在州東八十五里卽承天軍寨山形峭拔中有老君洞丹爐遺址猶存相傳老君與麻姑煉藥於此唐裴度韓愈題名石壁元郝天挺題麻姑壇詩路入雲關仙境佳瓊田瑤草帶烟霞貯經洞古無遺檢養藥爐存失舊砂青鳥不傳金母信紫鸞應返玉皇家巖屏不掩春長在開盡碧桃千樹花  
白雞山在州東北三十里晉王嗣昭過此獲白雉獻於朝以爲瑞故名有古碑存焉

石樓山在州南十里羣峯積翠每遇雪霽如列玉屏

方輿路程考畧

卷

古

又名玉屏山明朱繪詩玉屏山高雲木蒼六月山陰冰雪涼淨掃雲烟眠石榻山人無夢不羲皇

冠山在州西南八里盤踞巍峩其狀如冠故名山腹有元左司郎中呂思誠書院蘇祐冠山詩見說冠

山好遙空隔幾重瀑泉晴拂寺宿霧曉迷峯自岸風前帽時修月下容打門人不見漫倚兩三松古邨元明詩屢出千峯外身隨一鳥輕上方花散亂下界磬分明隔礪聞樵語平川見客行更邀王子晉天際看

滄溟

鵲山在州西北五里上有扁鵲祠祠前有靈應池趙



簡子賜鵲田四萬畝卽此 金周昂鵲山詩再宿殊  
雞舍相看獨鵲山旆沾新雨過鳥逐暮雲還

**藥嶺山**在州南三十五里山石嵯峨下有石佛洞觀  
音閣清凉院 明張琮藥嶺寺詩愛此幽棲處長年  
戶不關鳥飛春水碧人伴白鷗閒 喬宇詩高閣簾  
櫳秋對奕空山風雨夜開尊

**澤發水**源出綿山一名畢發平地突起下赴澗壑懸  
流千尺爲水簾洞垂如珠簾金趙閒閒呂介山俱有  
懸泉賦嘗有人然炬入洞中蛇行而前有石屋方正  
其頂如張幕帟復經數屋則蝙蝠大如箕張兩翼撲

方輿路程考畧

卷

五

火火滅不復可入土人謂是水截滹沱通真定城下  
潞元元好問澤發水詩詩人愛山愛徹骨十月重來  
犯冰雪懸流百里行不前但覺飛湍醒毛髮平地丈  
八玻璃盆洶如頽波射天門雷車怒擊冰雹散石峽  
峻滑蒼烟屯少東水簾亦瀟灑珠琲一一明朝瞰陽  
壠暗滋瑤草活礮石自與蓮湯温石林六月清無暑  
人家青紅濕窓戶射鹿有塲漁有浦好築糟丘俯洲  
渚甕面柳瓢挹膏乳醉扶紅袖別無歌風雨不憂驚  
妬女 明喬宇詩石乳香沾雲液潤珠簾光映水晶  
寒 寧恩譜田四萬畝卽此 金周昂鵲山詩再宿殊



娘子關卽古葦澤城唐平陽公主駐兵於此故名上有鐵佛寺明王世貞詩飛泉中瀉九關開朔氣偏催萬壑雷噴玉高從西極下擘坼雄自巨靈來

妬女祠在澤發水上一名妬女津舊云介山氏之廟有神如驚畫伏夜遊神出水湧唐高宗幸汾陽宮并州長史李冲玄以道出妬女祠盛服過者致風雨之變發卒數萬改馳道狄仁傑諫曰天子行幸風伯清塵雨師灑道何妬女之避帝壯之曰真丈夫哉遂止其役有唐李譔碑記

平潭城在州西北二十五里世傳爲趙簡子古城遺

方輿路程考畧

卷

六

址尚存明賀國定簡子城詩春風桃李歸新燕秋兩荆榛沒古碑

平潭驛八十里至孟縣芹泉驛

孟縣屬太原府春秋仇猶國戰國屬趙漢爲上艾縣地隋分置原仇縣後改曰孟縣唐於縣置受州貞觀中廢金爲孟州明仍爲孟縣明沈鍾題孟城詩三里孤城四面山人家多傍草萊間煙雲影重黃昏早鷄犬聲稀白晝閒喬宇芹泉道中詩西下榆關路平潭憶舊遊水香芹欲采陂澗草新抽落照明關埃殘霞映驛樓山行殊可悅春事滿田疇



仇猶山在縣東北七里卽戰國策原仇山也俗名高神山

藏山在縣北四十里程嬰公孫杵臼藏孤處也山下有祠其旁有洞爲藏孤之所石乳流注宛若天成山半別有一洞內盤石龍鱗甲畢其上有水珠滴瀝爲土人禱雨處 明郭浩詩藏山別是一壺天白雲半在山之巔瑤草沿溪貼翠鈿珍禽隔樹鳴幽絃羣峰削出芙蓉鮮爐錘奪得造化權雷電驚掣蛟龍涎珠璣亂落唾花圓茲遊擬結鷗鷺緣披襟日飲酒千飲餘肺渴思吞川漫對斜陽枕石眠 高岱詩泉通

方輿路程考畧

卷

七

玉水玲瓏翠月照珠池錯落紅 祝顥謁程嬰像詩  
慷慨誓言明素志寂寥遺像凜英風玳簪玉劍當時  
客殉義忘身孰與同 又謁公孫杵臼像詩排難巧  
爲存趙計舍生終遂立孤謀英雄不逞荆樊勇忠義  
堪爲莽操羞

竦岫山在縣治北七里山形孤峙故名 水明閭文德  
詩手攀碧落臨孤頂足躡丹梯上絕巔  
白馬山在縣東北六十里圖經白馬之山牧馬水出焉

百泉山在縣北四十里相傳爲六祖修道處山口柏



木橋下有石佛泉石如佛像又有石屋石座  
萬花洞在縣東北七十里深溪澗轉怪石峭異如花  
藥者以萬數故名萬花

石假山在縣西下有南山北嶂古井諸勝 明張振

北嶂春暉詩花鳥似縈湘浦夢煙嵐疑作武陵春

張廣南山秋色詩半空寒雨洗蒼壁五夜清霜殘素

芝 又古井寒泉詩鎮日琮瑤疑碎玉當年砂礫已

成丹春瓶一酌涼侵骨擬作開元百寶欄 又劉淵

詩香隨石乳茶膏綠冷浸雲腴稻粒紅

溫泉在縣北一百二十里有三穴其一出盤石中尤

方輿路程考畧

卷

六

熱北齊濟南王有疾浴於此泉遂愈

白鹿泉在縣北三十五里昔有白鹿跑石得泉故名

明張淑名詩苔衣冷浸沉秋碧石練平浮瀑晚霞

仇猶故城在縣治東韓非子曰智伯欲伐仇猶道不

通因鑄大鐘遺之仇猶大悅除道而納之赤章曼伯

數諫不聽斷轂而馳城址猶存上有仇猶君廟春明

陳顥詩芳草斷碑寒雨綠殘鴉高樹夕陽紅

芹泉驛七十里至壽陽縣太安驛

壽陽縣屬太原府春秋晉馬首邑漢爲榆次縣東境

晉置壽陽縣隋改受陽唐仍曰壽陽宋屬太原府金



屬平定州元明俱屬太原 唐韓愈次壽陽驛詩風  
光欲動別長安及到邊城特地寒不見園花兼巷柳  
馬頭惟有月團團 宋王思誠壽陽道中遇雪詩羊  
頭雪映鴉兒峪馬首雲連燕子巖 明陸深次韓韻  
又從東北望長安玉宇瓊樓高處寒四月炎涼渾不  
定一杯閒啜小龍團 十里有人投龍具  
方山在縣東北四十里本名神福山碧嶂千仞唐李  
通元隱此有長者龕爲李長者著華嚴論處前有二  
古松相傳爲長者手植又有文殊臺靈松巖絕頂一  
池周數百步亢旱不縮霖雨不溢最爲奇勝 宋員

方輿路程考畧

卷

九

逢原詩一宿方山寺蕭然碧嶂環由來愛松雪終不  
厭雲山亂石風泉響疎燈夜磬閒如何有羈絆未許  
謝人寰 金王雷遊方山詩松聲萬壑秋風急石徑  
千盤暮雨斑 北四十里本名神福山  
鴉兒峪在縣東南三十里有人迷路見鴉兒飛鳴前  
引故名 北望具安王字  
羊頭崖在縣南五十里崖下積冰盛暑不消遠望如  
雪 題詩會民團團 宋王思誠壽陽道中遇雪詩羊  
頭山在縣南八十里洞渦水經其下故名又名過山  
以其高過羣山也 風大則



芹泉在縣東二十里源二出鴉兒峪曰南芹泉出太平峪曰北芹泉合流東入平定州界一名琴泉  
馬首故城在縣東南十五里春秋晉大夫祁氏食邑晉滅祁氏分爲七縣以韓同爲馬首大夫卽此  
賀魯故城在縣西北三十五里又名胡盧城晉大夫趙簡子食邑殘址猶存宋韓琦征元昊過此有詩  
太安驛七十里至榆次縣鳴謙驛

榆次縣屬太原府戰國趙榆次邑漢置縣北齊改中都隋仍曰榆次屬太原唐宋元明因之唐韋應物送林明府歸榆次詩無嗟千里遠亦是宰王畿策馬

方輿路程考畧

卷

二

雨中去逢人關外稀邑傳榆石在路繞晉山微別意方蕭索新秋一葉飛明王崇慶鳴謙驛詩歲暮寒仍急長歌來晚風荒涼憐古邑真率愛山童  
太罕山在縣北五十里自太行聯絡而下層巒起伏視諸山獨爲壯麗歲早上有雲出卽雨至明尹倫題罕山詩翹望幾番青霧出便爲好雨足田疇是也  
麓臺山在縣東南三十五里高數十仞頂平衍因謂之臺明李瀚詩誰謂雲霄遠躋攀有路通山川皆禹跡勤儉屬唐風佛屋穹崖半人家遠谷中重華耕稼處翹首見遺宮



小五臺山在縣東北三十里旁列林巒下瞰泉石爲  
居人勝遊之地

神林嶺在縣東南三十五里地極陰寒盛夏有雪與  
寶峰相峙

源澗水在縣東八里源澗村其泉湧出嚴寒不凍泉  
旁草甲經冬常榮故又謂之溫泉上有龍洞唐貞觀

二年縣令孫湛引以溉田夏月荷香邑人遊賞甚盛  
明閻樸源澗遊賞詩淡烟籠翠幕輕日散紅霞

李敏詩荷筒添酒色葵扇引花香 又葉潤含珠露  
花開映綺霞 褚鈇詩牽魚細結臨淵網淪茗深開

方輿路程考畧

卷

三

映竹厨 寇天與詩緩尋芳草窮幽徑醉折名花選  
好枝

洞澗水在縣南三里源出樂平縣隄泉嶺至平定州  
會浮化水入壽陽縣界會黑水經榆次縣會大涂源

澗三水居民引以溉田經太原縣注於汾宋李繼勳  
征太原與北漢戰於洞澗河大破之卽此

蘭交在縣東南四十里相傳爲相如舊里 明裴騫  
蘭相如廟詩遺像千年在荒山半畝宮負荆懲小忿

完璧有全功酒對金尊綠花看霜樹紅我來秋色裏  
感慨思何窮



鳴謙驛五十里至太原府

太原府古冀州之域唐堯始封地周成王封叔虞於唐後更號晉戰國爲趙地秦置太原郡漢爲太原國唐置河東道宋復曰太原金曰武安軍元改冀寧路明仍爲太原府附郭陽曲縣漢爲晉陽汾陽狼孟三縣地後漢移陽曲縣於此隋改曰陽直唐仍爲陽曲宋金元明因之

御製幸西省至太原詩

黎元瞻翠蓋三晉力桑麻納稼知豐稔祈年意靜嘉邊無戍卒苦巷有讀書家此幸非遊玩隆冬見玉花

方輿路程考畧

卷

三

無唐李白太原早秋詩歲落衆芳歇時當大火流霜威  
出塞早雲色渡河秋夢繞邊城月心飛故國樓思歸  
若汾水無日不悠悠 徐安貞駕幸河東詩仙掌臨  
秦甸虹橋闢晉關兩鄉分地險一曲渡河灣路得津  
門要時清古戍閒城花春正發岸柳曙堪攀後乘猶  
臨水前旌欲換山長安回望日宸御六龍還 王昌  
齡駕幸河東詩晉水千廬合汾橋萬國從開唐天業  
盛入沛聖恩濃 張九齡駕幸河東詩河津會日月  
天仗役風雷東顧重關盡西馳萬國陪 李頻詩草  
白鴈來盡時清人去遊汾河流晉地塞雪滿并州



耿漳詩汾水風烟合并州花木遲荒庭增別夢野雨  
失行期杜牧詩威加塞北寒來早恩入河源凍去  
遲明王世貞太原道中詩盤陀十二驛驛驛似西  
川畢竟中無地還疑小有天居民同伏鼠宿客傍棲  
鷺不待蟬聲苦秋霜向鬢邊程可中太原詩檀槽  
鐵撥素絲絃此技都誇三晉專里耳只今貪小令金  
元遺調漸無傳

**阪泉山**在府城北舊名漢山晉文公卜遇黃帝戰於  
阪泉之兆因立廟於此

**繫舟山**在城北大禹治水繫舟於此故名有石如環

方輿路程考畧

卷

三

軸曰繫舟嵬元元好問父德明讀書其下趙秉文改  
曰讀書山好問詩從此晉陽方志上繫舟山是讀書  
山是也又讀書山雪中詩東家西家百壺酒主人  
捧觴客長壽先生醉袖挽春迴萬落千村滿花柳山  
靈爲渠也放顛世界幻入兜羅綿人言少微照鄉井  
準脩黃雲三萬頃

**烈石山**在城西北四十里亦名烈石谷泉出石罅居  
人引流溉田山上有祠祀晉大夫竇鳴犢又有烈石  
廟廟中透玲碑光瑩照人毛髮畢現殿中神龕內有  
辟蠅木色如沉香蚊蠅不入唐李頻遊烈石山詩



遊訪曾經駐馬看寶雙遺像在林巒泉分石洞千條  
碧人在冰壺六月寒時雨欲來騰霧靄微風初動漾  
波瀾箇中若置羊裘叟絕勝當年七里灘

**崛峒山**在城西北由呼延村而上鳥道千尋石磴哈  
呀有崛峒寺在絕頂怪石幽泉境極岑寂經秋霜露  
既降木葉盡赤白雲掩映最爲勝觀

**駝山**形如駝峰故名又曰黑駝山以出石炭故也上  
有補恩寺明于謙詠石炭詩鑿開混沌得烏金藏  
蓄陽和意最深爝火然回春浩浩洪爐照破夜沉沉  
鼎彝元賴烹煎力鐵石猶存煅煉心但願蒼生俱飽

方輿路程考畧

卷

十四

煖不辭辛苦出山林

**汾水**在城西其源發自管涔山自靜樂縣南流入境  
折而西南入太原縣界水經注汾水又南經陽曲城  
西是也或唐蘇頲汾上驚秋詩北風吹白雲萬里渡  
河汾心緒逢搖落秋聲不可聞明李夢陽過汾河  
詩太行西半濁汾流蘆荻蕭蕭八月秋漢武樓船今  
不見雄詞歌罷思悠悠或林而土鳥獸千尋不登或  
**柳溪**在府城西一里宋天禧中陳堯佐爲州守因汾  
水屢溢築隄障之植柳萬株構欂華堂後通芙蓉洲  
隄上有彤霞閣每歲上巳爲郡人遊觀之所斷碑尚



存門關在城西北四十里其北對晉王所開

晉祠在城西南懸甕山下智伯遏水以灌晉陽後人鑿池建祠水側祀唐叔池下有善利泉難老泉中有長生蘋旁多巖洞水石相薄濺玉跳珠松柏茂鬱異卉叢生爲一郡勝地宋范仲淹題晉祠詩神哉叔虞廟地勝出嘉泉一源甚澄澈數步忽潺湲錦鱗無敢釣長生同水仙千家溉秣稻滿目江鄉田歐陽修詩古城南出十里間鳴渠夾路何潺潺行人望祠下馬謁退卽祠下窺水源地靈草木得餘潤鬱鬱古柏含蒼烟井人昔遊晉水上稻花漠漠澆平田我來

方輿路程考畧

卷

五

覽登爲太息暫照白髮臨清泉鳥啼人去廟門闔還有山月來娟娟明文翔鳳詩太白風流吟碧玉獨憐潭水翠蛾清我來月共良宵坐何處琴從曲澗鳴山鳥解詩頻向語波光愛客故相迎凌朝歸去楊花戀片片飛隨馬足輕石嶺關在府城東北一百二十里元元好問雪中過石嶺關詩雪意旋裝行路景詩家新有入關圖地爐圍坐慚田父絮帽衝寒怨僕夫又連雲突騎紅塵暗微服行人細路高天門關在府城西北四十里其北崕爲隋晉王所開







